



O recente roteiro en defensa do Pico Vello e contra a apertura dunha explotación a ceo aberto de andalucita ás portas do Parque Natural das Fragas do Eume celebrouse con rotundo éxito. Dúzias de persoas démonos cita nunha paraxe de alto valor natural, no curso alto do Belelle, para reivindicar a conservación desta contorna, o alongamento da protección ambiental para un futuro corredor ecolóxico entre os LICs do Eume e Xubia-Castro e a retirada do proxecto da mina. Máis info e fotos en <http://picovello.blogspot.com/> O obxectivo era dar a coñecer a importancia deste lugar de grande biodiversidade, cun altísimo valor natural e etnográfico e protestar pola pretendida instalación alí dunha mina por parte da empresa

Picobello Andalicita S.L

. Unha explotación con doce anos de vida útil, que suporía a destrución irreversible do lugar, e afectaría gravemente ó

Río Belelle

e ó

P. N. Fragas do Eume

.

O xacemento está na zona do Pico Vello (colindante e incomprensiblemente excluída do P.N. Fragas do Eume), constituída na súa maior parte por unha fraga mesta e pasteiros, coa presenza de numerosas especies de fauna e flora con interese biolóxico, algunhas catalogadas como vulnerables pola Directiva Hábitat. Esta fraga está incluída na proposta de ampliación da

Rede Natura

e o

monte Fontardiñón

constitúe o único corredor ecolóxico entre o Parque Natural do Eume e L.I.C. Xubia-Castro.

Estiveron de relatores nos descansos do roteiro:

Ernesto López Días, secretario de Adega-Ferrol :Obxectivos do roteiro, a explotación mineira que se pretendía facer e dos efectos da escombreira sobre o
río Gallel

.

- *Manolo Cortizas*, membro da SGHN e profundo coñecedor da zona :Falou da morfoloxía , montes, regatos, lugares, etc

- *Francisco Canosa*, xeólogo da universidade de Oviedo tratou sobre a orixe da andalucita no coñecido como “ *plutón*” do Forgoselo, os eventuais impactos da explotación,etc

- *Antonio Gómez Corral*, profesor, falou sobre a riqueza florística destas fragas con hábitats prioritarios.

Nota: información extensa e complementaria e extensa: <http://picovello.blogspot.com/> ;

fotografía po-la xentileza de X. Antón Marcal e Xoan Porto.

Entrevista a Nés Lopez en Radio Liberdade: <http://picovello.blogspot.com/2010/05/ernesto-lop-es-activista-de-adega-ferrol.html>